



# Arubaanse Courant

DIARAZON 29 JULI 1964

No. 5093.

## Castro : accionnan di OAS ta immoral

SANTIAGO DE CUBA, 29 juli.- Tur loke e organisacion di Estado nan Mericano a haci ta ilegal y immoral, segun prome minister Castro di Cuba a bisa na un conferencia di prensa.

Castro a ripiti dos punto di bista relaciona cu paisnan Latino Americano un biaha mas y a bisa di lo no cambia su actitud mientras tantu e servicio Mericano di informacion no stop cu menguacion den asuntunan interno na Cuba.

Si no cumpli cu e reglanan internacional en relacion cu nos soberanidad, nos lo hanja nos obliga di apoya movimentunan revolucionario, den e paisnan cu no ta respeta nos, segun Castro. Riba e pregunta si e ayudo aki ta contene tambe municion y arma Castro no a contesta directamente.

Ta depende dje circunstancia- nan- locual nan ta haci enbista di

nos, segun el a bisa. E desicion, nan dje paisnan dje organisacion di Estadonan Mericano el allama un fracaso grandi pa Merca pasombra e paisnan cu e historia democratico di mas bleuw den Latino Americano a vota contra. Actualmente tin 15.000 presu politico na Cuba.

Hopi di nan ta agentenan manda Cuba pa servicio Mericano di informacion segun Castro. Riba e pregunta si Castro a nombra un sucesor den caso e muri, el a contesta, cu esaki den un sistema socialista no ta ningun problema,

pasombra partido ta segura continuacion dje revolucion.

**FATUM**

Pa tur bo aseguran  
Tel. 1845.

**BISANOS**

E motibo pakiko mi ta haya "Arubaanse Courant" un diario asina bon, pasobra e ta un alegria den nos famia.

Johanna Figaroa,  
Montanja 4.

E Antilliaanse Luchtvaart Maatschappij oficialmente ta cuminsa dia prome di augustus. E foto aki ta muestra un di e tres avionnan Convair 340 cu cual ALM lo sigui e servicio- nan di KLM, pinta den colornan di ALM y cu e emblema di ALM riba su kielvlak: Eletra- nan ALM cu e seis strejnan di e bandera Antillano.



## ACCION "AMICAL" A PRODUCI F.2340.-

ORANJESTAD, 29 juli.- Segun un informacion ricibi for di secretario di e organisacion "Amical", ta resulta cu e accion cu sticker cual e organisacion aki a

### Despedida di Jacintho Tromp

TANKI LEENDERT, 29 juli.- Ayera anochi a tuma lugar na Centro Juvenil Tanki Leendert despedida di senjor Jacintho Tromp tesorero y alavez miembro fundador di e club juvenil di Tanki Leendert. Senjor Tromp lo sali pa Aruba pa cinco anja bai sigui un estudio na Merca. Hopi amigonan y conocirnan di senjor Tromp a bin tuma despedida di dje ayera anochi y alavez a desee un bon blaha y exito den su estudio.

### Santa Cruz Bar tin 25 anja

SANTA CRUZ, 29 juli.- Dia 31 venidero Santa Cruz lo cumpli 25 anja cu pa di promer vez el a habri su portanan pa publico. Santa Cruz Bar cual ta situa na Santa Cruz ta di e firma Jan C. Lacle. Na ocasion di e jubileo aki lo tin un recepcion diablerne anochi venidero.

tene ultimamente pa hanja fondo pa por yuda esnan den mester, a resulta un grandioso exito. E suma total cu a worde colecta cu e bendemento di e stickernan ta fl. 2.340.- E directiva di "Amical" ta sumamente agradecido cu e apoyo y cooperacion cu nan a hanja durante e accion aki y nan ta spera cu tur esnan cu a cumpra un sticker lo haci uso di dje tambe door di pone ariba nan auto, pa asina duna mas popularidad na e organisacion aki.

### Boy Escalona hefe di school

ORANJESTAD, 29 juli.- Ultimamente senjor Boy Escalona a keda nombra como hefe di Plus X school na Dakota. Senjor Escalona kende ta un persona activo den Mascaruba y Juventud Cristian di cual e ta presidente, a completa su estudio pa maestro di school na Kweekschool na Hilversum, despues di a termina su Mulo na St. Dominicus College. Despues di cinco anja na Kweekschool el a regresa Aruba caminda un anja el a para dilanti clas na St. Antonius School na Savaneta, despues dos anja na Plus X School na Dakota y ultimamente dos anja na St. Dominicus College na Oranjestad. Su nominacion como hefe di Plus X School lo drenta na vigor na September venidero.



SABOR CU NUNCA TA VARIA

IT NEVER VARIES.



E premier di Malasia Abdoel Rachman, a haci, prome cu e bai pa un viaje di diesdos dia door di Merca, un bishita na presidente y senjora Johnson na Casa Blanca na Washington. E portret ta muestra e pareha presidencial cu nan huesped riba trappinan di Casa Blanca.



## Trupialnan ta anuncia plannan pa vacacion

ORANJESTAD, 29 juli - Otro biaha e presidente activo di Club Trupialen, departamento seniores, sr. Ruben Richardson a logra forina un programma atractivo pa e miembronan di Trupialen, seniores, aspirant seniores y oudseniores. E programma aki ta basa especialmente ariba encuentronan deportivo entre e hobenan di club. "De Trupialen", durante di e luna di agosto.

Mescos cu aña pasa e programma aki ta termina cu un anochi special di baile y entregamento di copa na e mihor deportista di Trupialen y e mihor seccion di e organisacion juveni aki.

Esnan encarga pa e encuentronan tuma lugar manera cu mes-ter ta, ta e lidernan Roy Sneek, Emile Herde, Nelson Petrona, Rudy Ridderstap, Yvi Jacobs, Patric Paris y e presidente di Trupial seniores Ruben Richardson. E directiva ta spera cu nan lo hanja e cooperacion di tur nan miembronan y si ta posibel na un cantidad y calidad mas grandi ainda cu e aña anterior.

E programma completo ta como lo siguiente: cuminsando dialuna dia tres di agosto lo tin volleyball. Esaki lo tuma lugar pa ochor di mainta den gymlokaal di La Salle College entre aspirant seniores y seniores. Atardi dos or e aspirant seniores y seniores lo bolbe topa cu otro ariba tereno di ping pong, dam, domino, biljart, y carta etc. Anochi seis or y trinta lo tin un hersengymnastiek entre e dos gruponan aki.

Diamars cuatro di agosto forza lo worde midi cu otro ariba tereno di R.C.A. hungando futbol. E siguiente dia lo ta softball mientras, anochi lo tin un pelicula. Dia seis di agosto lo ta un dia di sosega y keiro. E Trupialnan major e ora ey ta bai POVA. Parti mainta y atardi lo nan midi forza cu otro atrobe cu deportenan di mesa.

E dia grandi pa e encuentronan mescos cu aña pasa lo ta ora cu e mihor atletahanan di e dos gruponan aki topa cu otro ariba tereno di R.C.A. E Trupialnan

encarga cu esaki ta Emile Herde y Nelson Petrona. Parti di anochi lo ta atrobe hersengymnastiek. Diamars mainta di dos encuentro di voetbal y anochi volleyball. Diahuebes dia diez tres di e hobenan lo haci un bi-shita na Omeldahof.

Terminando e programa activo aki di deporte entre e hobenan mas bieuw di e organisacion juveni di Trupialen nan lo tene diadomingo dia 16 di agosto un picnic den club. Esaki ta cuminsa pa un or di merdia. Durante di e fiesta aki e copan lo worde entrega na e deportista di aña y e mihor seccion deportivo di Trupialen seniores.

Otro actividadnan cu tin ariba programma di Trupialen seniores pa tuma lugar ta un comedia cu segun ta worde spera lo worde presenta na luna di oktober venidero. Na e momento Ruben Richardson ta trahando duro pa traduci e comedia aki na papiamento.

Otro siman e Trupial Junioren lo tin un of mas dia di campamento probablemente esaki lo cuminsa dia 7 venidero. E campamento of picnic aki pa e juniornan lo ta bao di gla di fre-re Alexius. Mas informacion tocante esaki lo worde duna despues.

### Choke fatal na Savaneta

ORANJESTAD, 29 juli.- Manera nos a anuncia ayera e choke cual a tuma lugar dialuna atardi na Savaneta a causa bida di senyor Cathalino Erasmo Thijssen di Savaneta. Segun mas informacion concreto cu nos a ricibi for di banda di polis e choke no a tuma lugar frontalmente pero cu e auto chikito den cual senyor Thijssen tabata corre, bin- niendo for di direccion di San Nicolas, pa un of otro motibo a hala pa su man robey y a cana pega bao di e baki di carga santo di un truck. E truck A-506 maneha pa un tal J.A. naturalmente no a laga mucho henter di e auto chikito A-5926.

Mes ora di e desgracia senyor Tijs-



Un rebelde Vietcong cu a ser tuma presu durante un accion serca di My Hoeng den Sur Vietnam, ta ser interroga, cu su mannan mara tras di su lomba.

TE CU DIASABRA E VENTA ESPECIAL  
DI TEMPORADA TA SIGUI NA

## MANHATTAN STORE

	ANTES	AWOR
PA ESTUDIANTE DI HULANDA FLUS DI LANA	F. 78,--	F. 62,40
RAINCOATS FURA ESPECIAL	38,--	30,40
SPORT COATS	31,--	24,80
FLUS PALM BEACH	90,--	72,--

HACI USO DI E OPORTUNIDAD AKI  
DI CUMpra MERCANCIA DI CAUDAD  
NA PRUSNAN DRASTICAMENTE REDUCI NA

## MANHATTAN STORE

sen tata di siete yiu y biba na Savaneta 10 a muri. E desgracia a tuma lugar un cien meter for di entrada di Savaneta Kamp. Danjo material na e dos autonan ta tres mil florin.

### J.P.W.F. LAKKE

dokter pa nervio

no ta tene consulta  
for di 30 di juli te 27  
di augustus.

### BISTIR

den un coleccion  
enorme

AWOR  
DEN UN  
DEPARTA-  
MENTO  
ESPECIAL

AIRE-ACONDI-  
CIONADO.

ademas.....  
cu 2 stap bo ta  
den Departamento  
di SAPATO Y TAS

Mas moderno,  
mas servicio, y toch prijsnan  
mas abao. Esey naturalmente  
solamente na

**La Linda**



Fidel y Raul Castro na exhibicion atletico riba anochi di dia 26 di juli studentnan di e schoolnan na Santiago a demonstra nan poder atletico na un audiencia cabeza pa e rumannan Castro cu a demonstra nan apreciacion door di applaus.

### Noticia di polis

ORANJESTAD, 29 juli - Dialuna merdia poco despues di diez un or y mei a worde avisa telefonicamente na polis cu den un bar na San Nicolas tabatin un bringamento. A resulta cu dos caballero bao di influencia di alcohol a hanja gana di harta otro cu golpi. Promer cu polis a yega un di e caballeronan a baha na awa. E otro a worde hiba warda caminda el a hanja un cuarto gratis pa saca wayaba.

Dialuna marduga tres or y mei asistencia di polis a worde pidi den Village Noord caminda un tal E.C. un bon conocido di polis tabata haciendo bochincha. A resulta cu promer cu polis a yega ya el a tene un bombardeo di piedra ariba cas di otro hende. Sumamente furioso el a worde encontra pa polis. Cu un "quincena" (klop) bon cologa polis a logra calme poco y a hibe warda caminda el a worde encarcela te ora cu e calma.

Na San Nicolas recherche a detene e caballeronan A.N.F.T. y J.F.C.K. di respectivamente binticuatro y binti ocho aña kendenan conhunto a ataca un dama di binti nueve aña y a haci cosnan menos bunita cu ne cual nos no por menta akinan. E caballeronan aki a worde carcela mientras recherche ta sigui investiga e caso.

Dialuna atardi cuator y mei alarma grandi a worde duna despues cu un avion di carga di dos motor, un Lockheed biniendo for di Costa Rica a baha ariba su nanishi na aeropuerto di Aruba. E avion y e pista di aterizahe tur dos a sufrí danjo.

### Casamento den Mascaruba

ORANJESTAD, 29 juli.- Ayera mainta pa banda di diez or y mei a tuma lugar den sala ariba departamento di Burgerlijke Stand na Oranjestad casamento di dos miembro hungador di Mascaruba, conocido grupo teatral di nos isla. E enlace matrimonial tabata entre senyor Dominico Tromp, maestro di school, miembro di Eilandsraad y presidente di Mascaruba, cu senjorita Yvonne Frans tambe miembra y hungador di Mascaruba.

E matrimonio a worde cera pa senyor U. van Breet y como testigo tabata presente notario Heufke y senjora van de Berg. Dia cuatro venidero e pareha lo ricibi bendicion di matrimonio den iglesia Fatima na Dakota. Despues di casamento lo tin un recepcion den Sociedad Bolivariana.



# Rebeldenan a asesina cuater— hende blancu na Congo

Leopoldville, -- UPI --- Cuater belga a ser asesina pa forsanan rebelde qu ta ser apoya pa comunistanan den e aldea Kindu. Ta trata aki di e prome hende-  
nan di rasa blancu qu a worde matá for di dia qu e rebelion a cuminsa den Congo Oriental tres luna pasá.

Informacionnan qu a ser transmiti via di radio ta bisa qu e lider rebelde, Louis Olanga, a exhortá 70 blancunan qu ainda ta den e aldea pa nan sigi traha trankil numá. Kindu ta e capital di e provincia Maniema. E aldea a ser ocupa pa e rebeldenan durante di varios dia pasá. Mayoria di e blancunan qu no a hui ta comerciantenan portugueses y griego. E muher y muchanan blancu a ser evacua prome di qu e aldea a cai den poder di e rebeldenan.

E cuater belganan qu a ser asesina ta un comerciante, A. Corrier, su dos yunan y un misionero, Lucien Vandamme.

E informacion radiotelefonica no ta duna mas detallenan y solamente ta indica qu e cuater personan a ser fusila diasabra ultimo.

Mayoria di e rebeldenan ta guerrilleronan di tribunan y personan qu ta desafia autoridad gubernamental den diferente punto di Maniema, Kivu y otro zoran di Katanga del Norte.

Prome ministro Moise Tshombe a fracasá den su esfuerzonan pa stop e rebeldenan. Durante e fin di siman qu a pasa ela blaha bai Bakavu, capital di Kivu, y tambe ela bai Stanleyville, pa trata na yega na un acuerdo cu e rebeldenan.

Olanga, hefe di e rebeldenan a bisa, qu su forsananta dirigiendo nan mes pa Stanleyville, y qu nan lo ocupele den curso di un siman. Stanleyville ta un di e ciudadnan mas importante den norte di e pais. Entre su poblacion di 300,000 habitante tin partidario-nistro Patrice Lumumba, quende

a ser asesina na Katanga dia qu Tshombe tabata dirigi e movimiento di separacion di e provincia aki. Fuentenan bon na altura a indica qu si e rebeldenan ocupa Stanleyville anto nan lo a logra e control riba henter e region oriental di Congo mediante e bloqueo dirieuw Lualaba.

## APELACION CONTRA CONDENA DI JACK RUBY A CUMINSA

Dallas, Texas, -- UPI -- E abogadoan defensor di Jack Ruby a informa di qu awe nan lo presentá e prome fase di apelacion di condenamentuna morto qu a ser dictá contra di e asesino di Lee Harvey Oswald.

Tambe nan lo pidi un extension di e plazo qu a ser fija pa presentá e segundo etapa di apelacion, pa examina e acto di e juicio detenidamente. E cuater defensoran a indica qu e taquigrafonan di e tribunal no por a completa e transcripcion di e acto ainda. E grupo ta mantene un controversia cu Sol Dahn, abogado quende ta representa e rumannan di Ruby, pero no Ruby mes.

J.H. Tonahill, un di e abogadoan defensor qu ta atendiendo e caso for di cuminsamentu, a bisa ayera qu un di e motibunan di controversia ta qu Dahn no ta desea na contrata un agente di relacionnan publica durante e apelacion. "Esey lo ta totalmente contrario na cualkier principio di e etica," asina Tonahill a expresá.


## Gabinete nobo na Peru

LIMA, 29 juli.- President Fernando Belaunde Terry di Peru despues di un crisis di gobiernu di 4 dia, a jura un gobiernu nobo. Dr. Schwalb ta atrobe prome ministro y ministro di Asuntunan Exterior. Tin solamente tres reemplasamentu den e gabinete, entre otro riba ministerionan di Asuntunan Exterior, Agricultura y trabao y asuntunan referiendo indjannan.

## Bolivia ta obedece OAS

LA PAZ, 29 juli.- Bolivia te ainda a cumpli cu su obligacionnan internacional y sin duda lo tene su mes ne desicionnan tocante Cuba, cu a ser acepta diadomingo na Washington pa mayoria dje miembronan dje organisacion di Estadonan Mericano. Segun e ministro Bolivariano interino di Asuntunan Exterior a participa na un conferencia di prensa. El a agrega cu su pais, apesar di esaki lo keda fiel ne principionan di nos intervencion y di autodeterminacion pa pueblonan. E fecha riba cual Bolivia lo kibra relacionnan cu Cuba lo wordu stipula pe gobiernu.

Manera anuncio Mejico, Chili Uruguay y Bolivia, te unico estadonan di Organisacion di Estadonan Mericano cu ainda ta mantene relacionnan diplomatico cu Cuba.



NOTICIA DAMDAM

di

## LA GRAN BODEGA



## RESULTADO GRANDI DEN PRODUCCION DI WEBOE

E coeminda di galinja nobo L.C.P. Chows a produci mas weboe- coe mes un gasto di coeminda pa cada galinja- na farm di test di Purina.

Bon noticia pa hende coe ta cria galinjal Fabricantenan di Purina a haci cambio grandi den e formula di Purina, pa mas produccion di weboe. E formula a worde ditest minuciosamente y comprobá. Larga nos doenabo tur informacion.

## COSTO BAJO DI PRODUCCION DI WEBOE .....

pesey mas hende ta cria nan galinjanan coe Purina

## Desgracia di ferroviaria a costa casi cien bida

Oporto, 29 juli.- Ne investigacion pe causa dje desgracia serio di ferroviaria na Noord Portugal a resulta, cu e trein local riba e trayecto Povoade Varzim-Oporto tabata transporta tres blaha mas tantu pasahero cu di custumber. Cu bista riba e cantidad grandi di pasaheronan na Povoade Varzim e ferroviaria ya a conecta un trein extracutabata pa sali 10 minuut despues, pero kasi tur e pasaheronan a drenta den e prome trein, asina cu e trein express a sali casi bashi. Un otro factor door di cua e desgracia tabatin consecuencia asina serio ta, e he-

cho cu e wagon cu a sali foi riel, a dal contra un pipa di un viaducto.

Normalmente e desgracia lo no tabata asina serio, pasombra e wagon ta di staal. Entre tantu, e conductor di trein a desmenti cu el a corre 90 km. Segun e trein yen aki no por a core mas duro cu 50 km. E ciudad Oporta ta den rouw. Tur e festividadnan a keda suspende. E cantidad di victimanan te ainda no ta stipula, segun personanan a anuncia tin ainda 90 morto y 168 herido. 74 herida ta hospitalisa.



E conferencion di ministernan di Asunto Exterior di e Organisacion di Estado Mericano a dicidi cu

diescincu contra cuater voto di tuma algun medida riba tereno diplomatico y economico contra Cuba, entre cual e kibra di relacionnan diplomatico. Riba e pretet; e voto cu a tuma luga door di hisa man. Segundo di izquierda e ministro Americano Dean Rusk.

## Goldwater ta tene reunion

WASHINGTON, 29 juli.- Senador Barry Goldwater, candidato Republicano pa presidencia Mericano, tin idea di tene den interes di unidad den su partido un reunion di tur Gobernadornan Republicano y otro lidernan dje partido Republicano. Goldwater a bisa cu e reunion lo wordu tene banda di medio agosto. E ta spera cu e expresident Eisenhower, ex-vice president Richard Nixon, gobernador Scranton di Pennsylvania y gobernador Rockefeller lo participa na esaki.

Mayan mainta 10 or ora local Radio Noordzee lo cuminsa cu transmision di programmanan di radio for di plataforma di isla "REM" den Noordzee riba un onda di 214 meter.



## 14 MINERO DERRA DEN MINA FRANCES

Champagnole, Francia, - UPI - 14 minero a keda derrá na un profundidad di 20 pa 30 meter, ora qu un corridor qu ta den un mina di kalki den becindario di e pueblo aki a cai aden. For di Paris tabata yega expertonan, quenden cu aparatonan special tabata scucha loke por ta boroto di cobamentu. Pa tal motibu nan ta kere qu lo tin sobrevivientenan.

Enorme machinnan di coba a cuminsá prepara e terreno pa traha un buracu qu lo permiti e gruponan di rescate yega te caminda e minero nan tá.

Esposa y familiar nan di e victimanan ansiosamente tabata spera noticianan riba suerte qu nan por corre ey bao. E accidente aki ta uni e tragedianan qu a tuma lugar na Francia y Portugal den e ultimo 24 oranan.

Mas di 100 persona a resultá morto den descarrilamiento di un trein na Oporto y den un accidente di un autobus den e

aldea frances Vittel.

### Hopi interes vuelonan di charter

DEN HAAG, 29 juli.- Senjor Schreiner, director dje compaña di aviasion di charter "Schreiner Airways a participa, cu alcontratio cu loke e asosacion Oost y West a participa nos diasabra pasa- su compaña ta ehecuta e vuelonan di charter pa Antillas y Surnam.

E vuelo di awe nochí te prome di un serie di 4 vueloiday vuelita. E segundo lo ser tene dia tres di agosto proximo via Paramaribo pa Corsow y di regreso, e di tres lo ta dia 25 di agosto pa Corsow y di regreso. E di 4 dia 31 di agosto via Paramaribo atrobe.

## TRES AVION A CAI NA FORMOSA AYERA

Taipei, Formosa, -- UPI -- Tres avion di transporte, di e tipo C-46, di e forsa aerea di China Nacionalista, a cai den serunan sur di Formosa ayera nochí matando tur e 18 miembronan di e tripulacionnan, segun un vocero di forsa aerea nacionalista a informá awe.

Fuenternan di e forsa aerea di China Nacionalista a bisa qu e tripulacionnan aparentemente a hasi un error, ya qu tur e tres avionnan a cai na e mesun momento. E tres avionnan C-46 di dos mo-


tor tabata bula den un formacion-estrecho riba un mision di ehericio ora qu nan a dal den e serru den e parti sur di Formosa banda di Pintung. E comunicado di forsa aerea a bisa qu cada un di e aparatonan tabatin seis miembro di tripulacion chino-nacionalista a bordo. No tabatin norteamericanonan entre nan. Un avion comercial di transporte aerea civil di e mesun tipo a cai den centro di Formosa na juni ultimo, por cierto dia 20, durante di cual tur e 57 personanan qu tabata a bordo a perde nan bida.

### LANSAMIENTO DI RANGER - 7 A

CAD. KENNEDY - URGENTE -- Awe mainta Merca a dispara e capsul espacial Ranger-7 den direccion di luna pa logra saca e primer fotografianan for di corto distancia di superficie di e satellite.


E vehiculo espacial, prepará pa pone fin na seis año di fracaso norteamericano den exploracion lunar, ta ser impulsá pa un cohete combiná Atlas-Agena, qu a cuminsa lanta for di terra 11,50 awe mainta.

Ocho minuut despues di e lansamiento, un funcionario di Direccion Federal di Espacio a informa qu e cohete a funciona perfectamente y q pone e capsula den un "orbita di espera", for di cual posicion lo e ser despedi pa luna.



Un yamamentu a ser hasi na militarnan pa yuda bomberonan pa paga e gigantesco candela aki banda di San Bernardino, California. Helikopternan tabata bula riba e area afectá y tabata laga chemiconan y awa cai ne puntonan mas principal y ardiente di e gigantesco candela den e area di Cajon Pass.

E bond di pilotonan dje compaña Italiano di aviasion Alitalia a proclama un huelga di 78 dia cu lo cuminsa aki tres dia. Nan a dicidi pe huelga despues cu deliberacionnan tocante renobacion dje acuerdo colectivo di trabou, a wordu kibra pe bond.



un  
desayuno  
sabroso  
cla den  
un frega  
di wowo..  
claro cu  
yudanza  
di  
REDDY!

## DICK TIGER TA HASI REAPARICION

New York, -- UPI -- E reaparicion di e excampeon mundial di peso mediano Dick Tiger di Nigeria den ring na New York ta e pelea mas interesante di e programa boxistico di e siman aki. Tiger diabierne anochi lo presenta den ring di Madison Square Garden for di dia cu ela perde su corona contra JOEY Giardello dia 7 di december ultimo na Atlantic City.

E boxdo nigeriano den un pelea di dies round lo enfrenta e candidato portorriqueño Jose Gonzalez, cu ya a duna bon peleanan contra e maximo aspirante, Rubin Carter, Joey Archer, Florentino Fernandez y e Argentino Rocky Rivero.

No obstante tur e fama cu Gonzalez ta goza di dje, Tiger ta favorito cu proporcion di 9-5.

E excampeon nigeriano ta bringa den Madison Square Garden pa motibu cu Giardello a ninga di dunele un pelea di revancha pa e titulo, y ya ta preparando su mes pa e pelea contra Carter.

Peleanan di e siman aki: Diamars, Brian Curvis contra

Johnny Cooke (pa titulo welter britanico y di imperio, na Portcawl, Gales. Gaspar Ortega vs Tony Noriega na las Vegas, Nevada.

Diarazon: Santi Amonti v Tommy Field y Guillo Rinaldi vs Johnny Alforduin na Roma Italia. Diabierne: Dick Tiger vs Jose Gonzalez na New York.

Diadomingo: Ismael Laguna vs Vicente Dorado na Panama.

### Grupo di hobby ta bini Aruba

TANKI LEENDERT, 29 juli.- Dia 11 di agosto ta worde spera na Aruba cu Niagara un grupo di 10 Hobby Leden di e grupo di Montange di AMC na Corsow cu nan cuatro leidster. Hunto cu e grupo di 10 hobby leden y cuatro leidster di Tanki Leendert, bao di guia di srta. Agatha Erasmus nan lo tene campamento for di diall di agosto te mas o menos dia 18 di agosto. Unda e campamento lo tuma lugar no ta conoci ainda.



Un bista di e demostracion rebolta cu a tuma lugar na e edificio "Pan American Union" na Washington, caminda e miembronan di e Organizacion di Estadonan Mericano a tene reunion: Centenares di fugitivo Cubano tabata demonstra ora cu polis a plama e demostracion.

Seca e irregularidadnan cu a surgi e ora ei, diferente demostrante a ser herida.





**Hallo  
Hallo!**

SI TA'SINA MES

**4000  
florin**

Ta worde regala  
den e concurso  
sensacional aki di



**REY DE COPAS!**



Simplemente duna un nomber bunita  
na e 4 popchinan den Show-window di  
oficina di Rey de Copas y gana placa

**REGLANAN PA PARTICIPA DEN E CONCURSO**

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastrat No. 47 y bo ta hanja un formulario pa yena bo nomber y direccion y e nombrenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombrenan cu bo a duna ta e nombrenan favorecé.
- 4) E mes persona por yena cuanto formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e preni ta ser parti den esnan cu tin e nombrenan escogí.
- 6) Exigi pa bo recibo tin un stempel di Aruba Distilling Co.

**SEMPER E FAVORITO  
RON REY DE COPAS  
EL REY DEL TRAGO**

**NOTA:**

Directiva di Aruba Distilling Co. ta e unico entidad responsable pa scogemento di e nombrenan. E nombrenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.



**REY DE COPAS**

**ARUBA DISTILLING CO.**

**Wilhelminastr. 47**

**Tel. 1266**



# RUMAN MUHER DI CASTRO KIER KEDA BIBA NA MEXICO

Mexico, -- UPI -- "Mi ta spera qu Gobierno di Mexico lo no impedini haña asilo politico, cual mi a caba di pidi," asina señorita Juana Castro, ruman muher di e prome ministro cubano Fidel Castro Ruz, a declara ayer nochi.

Señorita Castro Ruz a presentá pa mas o menos 8'or na e oficina di Noe Palomares, funcionario mayor di e secretaria di gobernacion, pa entregale e solicitud di asilo politico den e pais aki.

Despues ela dirigi su mes pa e oficina di Luis M. Farias, jefe di informacion di tal dependencia pa tene un conferencia cu e periodista nan qu tabata reunieyan.

Ela declará qu efectivamente, ela ricibi un invitacion di e Gobierno di Brasil pa bai bibe den e pais aki, pero qu e no a dicidi nada encunto di esaki. Señorita Castro Ruz durante e segundo entrevista aki tabata muestra su mes completamente trankil, den contraste di e estado nervioso qu e tabata den su anterior conferencia di prensa, durante cual ela declará qu ela kibra su relacionnan cu su rumannan, Fidel y Raul Castro, en vista di e yugo di imperialistanan sovietico riba su pais.

Ora qu nan a puntrele qu despues di su yegada pa Mexico luna pasá, e tabatin ningun comunicacion cu su rumannan na Habana, ela pidi nan dispensa ya qu e no por a contestá e pregunta aki, en vista qu e no kier stroba e asuntunan awor aki, qu ta den man di Gobierno Mexicano. Ela manifestá qu for di dia qu ela yega Mexico mei mei di juni, te hasta ayera e no a sali for di e ciudad, y den caso qu si nan dunale asilo politico e ta kere qu el lo sigi bibe den e capital di e ciudad aki.

## GOLDWATER TA DESMENTI ENTREVISTA

Bonn--(UPI)-- "Munich Revue" a publica un articulo qu ta bisa qu senador Barry Goldwater ta un partido di e politica di "borde di un guerra" cu Rusia, qu ta atribui ne-exsecretario di estado John Foster Dulles.

E revista en cuestion ta bisa qu un di su corresponsalnan a entrevistá Goldwater na Merca despues di qu e ultimo aki a ser nombrá candidato pa presidencia di partido republicano. Sin embargo, na Washington, Goldwater a desmentí qu ela ser entrevistada pa un que otro corresponsal aleman despues di e convencion di dicho partido. Den un declaracion qu a ser duna di conoce pa su secretario di prensa, Goldwater a bisa: "Tres siman

Nan a puntrele ta di con ela dicidi na bai Mexico, na lugar di bai un otro pais, y ela contestá qu ela hasi esaki como quiera qu ta motibu di qu e dos paisnan aki ta hopi cerca di otro geograficamente.

E segundo entrevista cu e periodista nan a duna señorita Castro Ruz e oportunidad pe comentarista di television, Guillermo Vela, bolbe invitele pa hasi su aparicion na television manera tabata e caso anterior.

Señorita Castro tabata masha corto tratando na evita cuakier

pregunta qu por ta comprometedor pe. Despues di e entrevista di señorita Castro Ruz, Farias a bisa ne periodista nan qu gobierno di Mexico lo studia e solicitud qu señorita Castro a presentá, agregando qu, manera tabata e caso pa hopi cubanonan, Juana tambe lo haña permit pa keda bibe na Mexico.

Farias a bisa qu en vista di qu señorita Castro no a viola e ley nan mexicano, y en vista di ta trata aki di un persona distingui, nan ta kere qu autoridadnan mexicano lo no keda sin duna Juana Castro Ruz asilo politico.

## CHIPRE Y GRECIA TA DI ACUERDO CU OTRO

Atenas, -- UPI -- Chipre y Grecia a reafirma ayera nochi qu "nan ta di completo acuerdo cu otro riba opinionnan" respecto e problema di Chipre.

E presidente chipriota griego, arzobispo Makarios, a conferencia cuater ora cu e prome ministro griego George Papandreou y cu otro autoridadnan griego haltu. Na final di e reunion Makarios a bisa na periodista nan qu e ta kere qu e situacion no a bira mas malu, "pa loka ta toca un peliger di invasion" y qu e negociacionnan diplomatico ta progresando satisfactoriamente. E lider chipriota a exclui e posibilidad pa nan aplica restricciones ne autodeterminacion di e pueblo di e isla ora qu nan a puntrele qu tin posibilidadnan di union entre Chipre y Grecia. Despues di a señala qu nan no mester forma planann di estructura di Nacionnan Uni respecto Chipre, e presidente a haña qu

e envio di un yamamentu na e Asamblea General di e organizacion internacional respecto e crisis tabata inevitable. E presidente chipriota a yega e capital aki den avion. Awe e lo sigi su deliberacionnan cu autoridadnan griego haltu.

pleto Cassius Clay y excampeon Sonny Liston a worde firmá. E contract aki ta provisionalmente señalá pa dia 28 o 29 di september y tambe tres ciudad a worde designa como posible lugarnan pa celebracion di e pelea. Esaki nan ta Louisville, Las Vegas y Baltimore.

## U THANT TA DESMENTI RENUNCIA

Rangun--(UPI)--Secretario general di Nacionnan Uni, U-Thant, awe a desmentí qu ela dicidi na bandoná su puesto despues qu e actual periodo terminá. Den un conversacion cu un grupo di periodista nan, Thant a manifestá qu ainda ta hopi tempran pa tuma un desicion riba e asunto aki. Su actual puesto lo terminá te na november di año 1966. Diamingo, nan a informa di qu U-Thant a declará qu e no tabata dispuesto na ehercé su cargo pa un otro periodo, aunke e tabata conta cu apoyo di e potencia nan grandi.

## LUCHA RELIGIOSO NA RHODESIA

Nicosia, -- UPI -- Gobierno chipriota griego a rechasá e yamamentu di Nacionnan Uni pa nan respeta libertad di movimiento riba e isla aki, qu ta dividi y terrorisá pa e lucha. Un declaracion di presidente, arzobispo

pasá mi a papia, esey ta berdad, cu un periodista aleman na Prescott, Arizona. Ela hasi algun pregunta, pero esaki no tabata un entrevista". Den e articulo di e revista, Goldwater a bisa e corresponsal qu e ta admira e presidente di Francia Charles de Gaulle. "Mi política exterior en general lo ta mesun cos qu esun di Gobierno di Eisenhower a sigi pa medio di su secretario di estado Dulles. Pues un persona mester demostrá semper qu e ta dispuesto na corre tur clase di risiconan."

## CASSIUS CLAY vs SONNY LISTON

Louisville, Kentucky, --UPI-- Durante ultimo oranan di ayera un contract pa e pelea di revancha entre campeon mundial di peso com-

## TERITORIO INSULAR DI ARUBA

Ontvanger di Teritorio Insular di Aruba ta participa na esnan cu no a paga nan abono di telefoon di luna di juli 1964, cu aanmaning lo ser poni na post dia 31 di juli 1964 y cu for di dia 1 di augustus 1964 lo cumenza cobra gastonan di aanmaning pa e luna menciona.



Luci Baines Johnson, yiu muher di Presidente Johnson, a yega Michigan aki pa bishita e Campamento Nacional Musical na Interlochen. Riba e foto Srta. Johnson ta combersando cu e pianista di e concierto Van Cliburn, na robes y Dr. Joseph E. Maddy, fundador y presidente di e campamento. Lucy lo narra "Peter and the Wolf" ora cu Cliburn conduci e Orquesta Simfonico Hubenil cu ta consisti di 150 miembro.

Makarios, ta señala e secretario general di Nacionnan Uni U-Thant, di qu en bista di e secreto absoluto qu e cuestionnan di defensa y seguridad estatal ta requiri, no ta posibel pa den cierto lugarnan permiti entrada di patrullanan di e organizacion internacional."

Thant a pidi Makarios dia 22 di juli ultimo pa e ordena libertad di movimiento total pa e forza di paz di Nacionnan Uni riba e isla. Autoridadnan chipriota griego a nenga pa permiti forsan di Nacionnan Uni pa drenta den e


zona portuario di Limmassol, na unda nan tabata carga -- aparentemente ta trata aki di materialnan di guerra -- trucknan masha grandi. E declaracion di Makarios a worde publica despues qu ela sali cu avion pa Atenas na unda ela discuti e situacion na Chipre cu e prome ministro griego Georges Papandreou.

## Stable a TKO Terronez

New York, -- UPI-- E boxeo semimediano cubano Jose Stable, aspirante pa e corona mundial di e categoria, ayera nochi pa knockout tecnico den octavo round a derrota e boxeo mexicano Gabo Terronez. E pelea tabata pacta na dies round.

## ELORDE A RETENE SU TITULO

Tokio, -- UPI -- Campeon mundial di peso liviano Flash Elorde di Filipinas a retene su titulo ayera nochi derrotando e retador hapones Teruo Kosaka pa TKO den di diesdos round. Casi nueve mil persona a bai estadio Kuramae pa presencia e pelea. Esaki tabata e tercer victoria di Elorde den cuater pelea cu Kosaka, y su prome triunfo pa via rapido riba e retador hapones. Su tres peleanan anterior tabata pa e titulo di peso liviano di Oriente. Ayera nochi Elorde a pisa 58,967 kilo o sea e limite di e division di peso liviano junior contra 58,740 di Kosaka.



Hasta mucha muhernan di estatura largu tin gana di recoge un tiki frescu na un playa yen di biento, pero na nos parecer e Amazona aki ta poco largu di mas pasobra asina leeuw qu nos sabi, nan no

ta crece bira asina largu. Di tur manera un fotografo na Cleveland, Ohio, ta sacando e portret numa pasobra por ta of por laga di ta un amazona extraordinariamente largu.



# ICENDI

## ARUBAANSE COURANT

diariamente cu excepcion di  
diadomingo  
subscripcion f. 3.25 pa luna  
edicion los 20 ct.  
edita pa:  
N.V. ARUBAANSE DRUKKERIJ  
- en UITGEVERS - en PUBLI-  
CITEITS MIJ.

imprimi na:  
N.V. DRUKKERIJ  
"DE STAD"

Telefoon 1116 Directiva y redac-  
cion, 2116 Anuncio y subscrip-  
cion.

Directeur hoofdredacteur:  
D. Wolff.

POR CUMPRAR ARUBAANSE  
COURANT NA E SIGUENTE  
LUGARNAN:

NA ORANJESTAD:  
BOEKHANDEL MARISKA,  
PIET SODA FOUNTAIN,  
REFRESQUERIA INGRID.

NA SAN NICOLAS  
NICOLAAS STORE,  
UNION STORE.

## CINE

De Veer: 8.30 p.m. "Cielo Rojo"  
18 j.  
Rialto: 8.00 p.m. "Los Valientes  
no mueren" all.  
Principal: 8.00 p.m. "Beyond The  
Curtain" 18 j.  
Aurora: 8.00 p.m. "Cone Of Si-  
lence" all.  
Savaneta: 8.00 p.m. The Con-  
demned of Altona" 18 j.

## TELEARUBA

5.30 Children hour  
6.00 Focus U.S.A.  
6.30 De Verreklker  
6.45 News  
7.00 Tombstone Territory  
7.30 Sportnews  
7.45 Bevenly Hillbillies  
8.15 Concentration  
8.45 English News  
9.00 Wire Service  
10.00 Wrestling  
10.30 Sign off

## RADIO CARACAS TELEVISION

9.00 T.V. Educativa  
10.30 Cosas de mujeres  
11.15 El hogar y la moda  
11.45 Novela

## "DESTINO FAVORABLE" NOVELA

No. 26.

Jetta su cabes a sosega un rato  
contra dje. Despues el a cumina-  
za bira mas trankil. Su man-  
nan tambe a calma y a cumina-  
za toca un melodia suave. Fal-  
brank a hala rosea pisa mien-  
tras el a lanta para y a jega  
serca dje. Gradecido el a sun-  
chi su man. "Bo ta un bon  
artista, Sra. Derix", el a bi-  
sa convenci. Esaki a sonrei cu  
dificultad. "Bo ta exahera, Sr.  
Falbrank." "Tende, mama, bo  
por toca un otro musica. Sem-  
per bo a bisa, cu e musica  
ardiente aki ta destina pa hende  
long. Tende, papa, mi kler con-  
sehabo, pa cuida bo bunla se-  
hora. Mi no sa, di repente e ta  
haya tanto temperamento". "Si  
bo cuminza bira brutal, lo bo  
paya loke bo merece", Jetta a  
bisa, mientras e ta lanta su man  
de laira. Cu duele Peter a cohe  
de man tene y a sunchi cu ter-  
nura. "Pero mama, mi no ta ke-  
re co bo kler haci bo jlu hom-  
per algo asina."

## RADIO VICTORIA

6.00 Peticiones  
6.15 E Bijbel Habri  
6.30 Ultimas Noticias  
6.45 Ecos Del Cielo  
7.15 Bo Musica Favorito  
7.45 Delicados Pastos  
8.00 La Hora Nazarena  
8.15 Joyas Del Hogar  
8.30 Ultimas Noticias  
8.45 Musica Di Banda  
9.00 Noticias Español  
9.15 Melodias Del Alma  
9.30 Morning Melodies  
10.00 World News  
10.10 The Bible For You  
10.15 Through The Bible  
10.45 Sacred Songs  
11.00 Chapel Of The Air  
11.15 Novela Cristiana  
11.30 Melodias Di Merdia  
P.M.  
12.00 Ultimas Noticias  
12.15 Musica Sagrada  
12.24 Thought For The Day  
12.30 World News  
12.45 Quiet Time  
1.00 Radio Concert Hall  
2.00 Reading Room  
2.15 Songs of Zion  
2.30 Quiet Hour  
2.45 Radio Revival  
3.15 World Nes Headlines  
3.20 Ensuenos Musicales  
3.45 Musica Di Banda  
4.00 Bo Pregunta Contesta  
4.15 Ultimas Noticias  
4.30 E Ora Adventurosa  
4.45 Noticias Español  
5.00 Cafe con Musica  
5.15 Palabranan di Bida  
5.30 Light And Life Hour  
6.00 World News  
6.15 Miracles  
6.40 Musical Interlude  
6.45 Listening Post  
7.00 Children's Gospel Hour  
7.15 Off The Record  
7.30 Back To The Bible  
8.00 Musical Gems  
8.30 Nederlands Nieuws  
8.45 Christus Tot De Volkeren  
Der Aarde Gebracht  
9.00 Klassieke Muziek  
10.00 Sign Off

13.45 Se necesita una amiga  
13.35 Cortos  
14.00 Yo'se lo vendo  
14.30 Documental  
15.00 Estudio de Hector M.  
verde  
15.30 Perfecta ama de casa  
16.00 Mejias y sus muchachos

17.00 El padre soltero  
17.30 Circo de frontera  
18.30 Club musical  
19.00 Ruta 66  
20.00 Bonanza  
21.00 El Observador Creole  
21.15 Arresto y juicio  
22.45 Alfred Hitchcock  
23.15 Noticias Panam

## RADIO KELKBOOM

7.00 Opening  
7.02 Bon dia cu alegria (In-  
strumental)  
7.30 Noticia Internacional (Am-  
stel)  
7.45 Musica Matutino  
8.00 Seleccion Musical cu dis-  
conan Latino Americano.  
8.30 Cumpleanjos Feliz  
9.00 Noticia Social  
9.15 Musica Varla  
9.30 Melodias Instrumental  
10.00 Noticia Internacional  
10.05 Ritmos Latinos  
10.30 Programa di H. Habibe Jr  
11.00 Noticia Internacional  
11.05 Musica Norte-Americana  
11.15 Musica Antillana  
11.30 Musica Varla  
12.15 Noticia Internacional  
(Schlitz)  
12.30 Musica Norte-Americana  
12.45 Noticia Lokaal (Viana)  
01.00 Musica Varla  
01.30 Ripticlon Boekbespreking  
P. Heuvel  
01.45 Boleros  
02.00 Novela (Ripiticion)  
02.30 Peticiones  
03.15 Ritmos di Caribe  
03.45 La Macorisane & Interna-  
cional Supermarket  
04.00 Musica cu sabor Azteca  
04.30 Noticia Lokaal (Helneken)  
04.45 Cocktail Musical  
05.00 Danzones Cubanos  
05.15 Musica Varla  
06.00 Noticia Deportivo (Gillette)  
06.15 Musica Varla  
06.30 R.V.D. (Reringer Voorlich-  
tings Dienst)  
06.45 Groeten uit Nederland  
07.00 Noticia Internacional na  
Papiamento  
07.15 Musica Europeo  
07.45 Musica Norte Americana  
(Instrumental)  
08.15 Novela (Colgate)  
08.45 Musica Varla  
09.15 Hit Internacional  
09.45 Variacion Musical  
10.00 Sluiting

## CUMPLEANJOS

Dia 28 di Juli a cumpli 3 anja e  
hobencita Cladijs Magali Werle-  
man, felicitacion ta bini di su  
tata Esteban, mama Gela, ruman-  
nan Mario, Jaqueline, welonan I-  
reno y Wan, welonan Rigina y Li-  
na, madrina Choncita Wever, pa-  
drino Pablo Werleman, amiguita  
Elvira, Efe, Maneia, Roy, Di-  
chi. Josep, Franklin, Cholan.

Awe dia 29 di Juli ta cumpli 1 anja  
e chikitin Jacqueline Beatrix Werle-  
man, felicitacion ta bini di su-  
tata Esteban, mama Gela, rumanan  
Mario, Magali, welo y welonan,  
tanta y omonan, madrina Candi-  
da, padrino Calito Werleman y  
demas familia Werleman, Vrolijk,  
Kelly, Kock, Geerman, Winterdaal

e dos famianan ey. Varios blaha  
Jetta a trece e combersacion ri-  
ba Mary Allen. Cusentimentonan  
doloroso e ta scucha e storlanan,  
y den tur e storlanan e tabata  
scucha solamente un cos: cu su  
jlu a haya un bon cas cerca familia  
Allen y cu su juventud tabata jen  
di amor y calor. E curazon di e  
bunita muhe aki, tabata jendi gra-  
titud, y poco pocoe amarguraden  
su curazon ta disparciendo.

xxxxxx

Wolfgang tabata combersando cu  
Falbrank, mientras Jetta ta pa-  
piando cu su amiga tocante ulti-  
mo moda. Di repente nan a tende  
un gritamentu di aleeuw. Cada ra-  
to e ta bira mas cla. "Wel, wel, ta  
kiko ta pasando awor?" "Algome-  
ter ta pasando", Derix ta bisa. El  
a lanta para y a keda mira pafor  
"Kiko a pasa, Wolfgang?" Jetta a  
sinti un emocion stranjo. "Mi no  
sa. Parece cu nan ta masha emocio-  
na y nan ta corre tras dialgo", e  
hombre abisa serio. Di repente el  
a dal un grito espantoso. El a tende  
e gritamento y e otronan tambe  
por a compronde. "Tene cuidao,  
un toro a huy sali." "Corre, sa-  
li di akinan. Parece cu un toro a  
los, y awor nan ta corre su tras  
pa cohe. Mihor nos bay sconde  
tras di e palo diki ey", Wolfgang  
a bisa ansia, y a cana bay serca  
e otronan, kendenan a haci meso-  
ra locual e la bisa. Di aleeuw ta  
asercando un huma scur. Stof ta  
bula rond di e toro, Su wowonan

## RADIO ANTILLANA

07.30 Noticia na Papiamento  
07.45 Programma di Joel Nieuw  
08.00 Espacio pa Ritmo Criollo  
y poesia  
08.10 Noticia na Ingles  
08.30 Musica y consejo dedica na  
tur nos automobilistanan.  
09.00 Noticia na Papiamento  
09.15 Programa dedica na tur  
Amanan di cas  
09.30 Meijco ta canta patur Ama-  
nan di cas.  
10.10 Noticia na Ingles  
10.20 La Macorisana e Interna-  
cional Supermarkets  
10.40 Continuacion di Amanan di  
cas  
11.00 Dutch By Radio  
11.15 Noticia na Ingles  
11.25 Regalo Musical  
12.00 Melodias Antillanas  
12.10 Noticia na Ingles  
12.20 Noticia na Papiamento  
12.30 Noticia na Ingles  
12.45 Capsulas En Orbitas alre-  
dedor di Mundo Deportivo  
P.M.

01.00 Noticia na Papiamento  
01.15 Fiesta Calypso  
02.00 Lo De Ayer  
02.30 Boleros Romanticos  
03.00 Music for Teenagers  
04.00 La Esperanza y su Obse-  
quio Musical  
04.30 Complaciendo Peticiones  
05.00 Noticia na Papiamento  
05.15 Programa di Budweizer  
05.30 Calypso Rama- China Clip-  
per.  
05.45 Calendario Antillano.  
06.00 Kinderuurtje  
06.15 Musica Norte - America-  
no.  
06.30 Noticia na Papiamento  
06.45 Dutch By Radio  
07.00 Felicitaciones y Compla-  
ciendo Peticiones

08.00 Programma pa tur pacient-  
nan den San Pedro Hospital y  
Lago Hospital.  
08.15 Cont. di Felicitaciones y  
Complaciendo Peticiones.  
8.30 Saludos Reddy Kilowatt  
09.00 Dutch By Radio

10.30 Melodias y Romance  
12.00 Clausura

A.M.

05.30 Manianita Arubana  
05.45-07.45 Bai trabao den com-  
pania di Bo Companiero constan-  
te Radio Antillana.

06.10 Noticia na Ingles  
06.30 Noticia na Papiamento  
07.10 Noticia na Ingles

## Postsluitingen

Argentina 15.30 - Bolivia 15.30 -  
Bonaire 16.00 - Brazillie 15.30 -  
Br. Guiana 15.30 - Canada 8.00 -  
Chile 15.30 - Costa Rica 15.30 -  
Cuba 15.30 - Curacao (8.00)(16.00)  
El Salvador 15.30 - Guatemala 15.  
30 - Honduras 15.30 - Mexico 15.30  
New York 8.00 - Nicaragua 15.30 -  
Panama 15.30 - Paraguay 15.30 -  
Suriname 15.30, Trinidad (5)  
15.30, Uruguay 15.30, Venezuela  
15.30

## CARTANAN

### NO ENTREGA

A. Dinorah Arlon, Corame Ar-  
rindell, Mr. & Mrs. Arrindell.  
B. M.B. Berg (R), George Browne  
Rilan Mates Balareso, Fernando  
Vrooks (R), Mr. Bennett (R), Jo-  
seph Berones, L. Belton, Stefanie  
Burgon, Thelma Brathwaite.  
C. Ellen Cannonier, Petra Cam-  
po, J.F. Cabeal, Fam. Cook (R),  
Hyacintho Carolina (R) Audrey  
Curiel.

D. Mercedes Diaz (R), V. Didier  
Sylvia David, Iris M. De Feliz (R)  
Ven Diks, George Dammers.  
F. Veronica Faray, Daris Fle-  
ming, Catherine Frederick.  
G. Fam Geerman (R) Supriano L.  
Geerman (R)  
Amy Gilkes (R), Robert Gravel.  
H. E. Hackett, Agnes Hodge, Ri-  
chard Haynes, Fam Henriquez (R)  
Fam Hernandez (R), B. Halley, Ro-  
se Marie Hassell (R) Alfonso Ha-  
zel (R), Fam Henriques (R) Fam  
Humphrey (R), Cheswill Hills (R)  
Fam Hickenson (R), Aurelie Hal-  
ley.

J. Deborita Juliao (R), C.R. Jong  
(R), Fam Jackson (R).  
L. Alberta Lake, Ena Lampe,  
Segundo Leepstop (R)? Victorina  
Ferrera Lopes, Arthur Lardy.  
M. Maria Martis, I.A. Maters B.  
(R)  
O. Sam Overstreet (R).  
P. Gormont Polond, Mabel Pan-  
tophlet (R) Carmen Piar.  
R. Victoria Richardson (R), Raw-  
lins Commercial Enterprises,  
Augustine Richardson, Sylvanie  
Richardson, Fam Remou.

S. F. Ho Sam Sool, Edna Smith  
Mr Samson, Rufus Simon (R)? Ci-  
dia Stire, D.D. Schenker, Rita  
Schmidt, Edgar Stephen, Casa  
Salomon, Boy Slyger.

T. Victor Thomasia, Ismael  
Tromp (R), Christiana Thomas.  
V. Teresa Van Heyningen, Heer  
V.D. Oever.  
W. Regina William, P.H. Wil-  
denburg (R). Rostia Williams,  
Bertie Wilson.

a trompeca, el a dal un grito terri-  
bel y a cay abou. Prome cu el a  
muri el a dal e muhe un blaha  
mas, y despues su curpa a rek.  
Wolfgang tabata promehende cu  
Jetta cerca su senjora, cu tabata  
basta herida. "Jetta, mi Dios, Jet-  
ta", e tabisa desespera, y e ta re-  
procha su mes amargamente, cu e  
no a keda cerca dje. Pero e cu Fal-  
brank a bay para mucho leeuw. O-  
ra cu el a mira con Jetta a hinca  
su mes bida den peliger, pa scapa  
esun di su jlu, ya tabata laat. "MA  
MA" Annerle a corre Jega serca y  
a hinca rudia bandi su tata. "Ma-  
ma, bisa algo, mama, miranos den  
nos cara!" Sally tin Peter duro  
tene. "Mami, mi mami stima!"  
Peter no tabata sa kiko pa bisa.  
Mary tambe a cana Jega serca, cu  
un mirada indecible, jendi amargu-  
ra y desesperacion. El a keda  
mira e muhe palido, cu ta drumi  
keto su dilanti. E ta busca ayudo  
serca Sra. Falbrank, cu ta braze  
cu ternura. "Pakiko.... pakiko el  
a hacie? Pakiko el a pone su mes  
bida den peliger pa scapa ami?"  
Sra. Falbrank ta jora keto. E no  
por dune un contesta riba e pre-  
gunta ey. Wolfgang a drey mire  
un rato. E tabata e unico cu por  
a contesta e preguntadi Mary. Na  
trece uncama di carga, y a pone  
Jetta drumi ariba. Despues nan a  
bay na e pueblo. Cu un caraserio  
e hombernan ta cana bandi e cama.  
E ta sigui....



**RIP KIRBY**

Agente exclusivo di

**FRIESCHE VLAG**

pa cortesia di:

lechi evaporado y lechi en polvo

**JAN BODEGOM & CO (ARUBA) N.V.****MAXWELL HOUSE KOFFIE.****CISCO KID**

pa cortesia di:

**ARUBA BOTTLING COMPANY**

NESBITTS den varios sabor, e refresconan mas pidi y mas gusta na Aruba.

**BUCHI ROBEZ****PEPITA**

with compliments of

**OFICINA MARITIMA DE ARUBA**DOCUMENTATION & TRANSPORTATION  
FOR INCOMING, LOCAL & OUTGOING CARGOES BY AIR, SEA AND LAND**DICK TRACY**

presenta pa cortesia di

**VICTORIA BOTLING COMPANY**PEPSI-COLA --- SEVEN UP --- GRAPETTE - KIST -- VICTORIA SODA WATER ---  
BUFFALO ROCK --- GINGER ALE ---**Horoscopo personal**

**ARIES**-21 di maart-20 di april-  
Dificultadnan cu parti mainta  
ta perhudica bo negoshinan, quiz-  
as parti atardi lo worde eli-  
mina.

**TAURO**-21 di april-21 di mei-  
Esaki ta un dia cu permit por  
duna bon resultadonan. Pone ti-  
nu riba bo accionnan.

**GEMINIS**-22 di mei-21 di juni-  
Amigunan bieu mester wordeculti-  
va mes tantu cu e nobonan.  
Tene masha cuidao pa bo no he-  
rida e sentimentunan di otro per-  
sonanan.

**CANCER**-22 di juni-23 di juli-  
Ta inutil alega e factibilidad  
di bo actual plannan, especial-  
mente si bo a trata nan en bano.  
Lo ta mihor si bo cuminsa dinobo.

**LEO**-24 di juli-23 di augustus-  
Curazon tin su razonnan. No pun-  
tra di con bo ta simpatisa cu  
otro persona. Acepta e cariño.

**VIRGO**-24 di augustus-23 di sep-  
tember-Hasi un concenso entree  
miembronan di famia prome cu  
bo dicidi un decision encuan-  
to e actual problemanan. Hasi pa  
decision ta unanime.

**BO A SPERA  
MAS KILOMETRO  
FOR DI BO  
TYRENAN**

... ANTO CUMpra

**DUNLOP**

**NAN TA DURA MAS  
Y...NO TA COSTA  
MAS.**

Agente na Aruba:

**N.V. WARENHUIS  
VAN DER REE**

Oranjestad - tel. 1213

**LIBRA**-24 di september-23 di oc-  
tober-Ora cu hopi hende ta na  
fabor di bo reciente decision,  
no permiti cu e excesion lo dis-  
traibo di bo placer.

**ESCORPION**-24 di october-22 di  
november-Escorpio cu ta pensa  
e cosnan e mes lo tin mas  
exito cu el a anticipa.

**SAGITARIO**-23 di november-22 di  
december-Demostra bo compañe-  
ronan di trabao con cooperativo  
bo ta. Loke actualmente ta conta  
ta e accionnan no e palabranan.

**CAPRICORNIO**-23 di december-  
20 di januari-Aunke bo no ta gus-  
ta, muestra un sonrisa riba bo  
lipnan. Bo recompensa lo con-  
sisti di un amigu.

**ACUARIO**-21 di januari-19 di fe-  
bruari-Esakinan ta e dianan den  
cual bo ta sintibo tentá pa si-  
gi un paso dilanti, basa sola-  
mente den e intuicion. Evita e-  
saki. En bes di esei, razona e  
cosnan prome.

**PISCIS**-20 di februari-20 di ma-  
art-Un erronea logico por mete-  
bo den trobbel. Corda cu e per-  
sona cu ta biba den cas di glas  
no mester tira piedra.